

من...

دسمال اوسته سر منی

شریف مردی

گۆز لیریم قیزی شیردی آغاجلارین سیرایلا گلیب کئچمه سینی سئزه رکن. اوزاق داغلارین باشی دا قوشولموش بیریرینه گئدیردی. سیخیلیم صندلی یه. یانیمدا کینین باشی سویروشوب چینیمه دوشدو. توکلرینین قوخوسو خوش گلیردی بیله مه. یاستیغی باسیب توکلرینه سوخوردوم بورنومو. دنیز بوزار میشدی بیز گلندن بری. قاپ قارا ایدی اورتالاری. دارتینیر گئری چکیلیردی. اورالارا باخیر چیپس خیمیرتده بیردیک. یئل اسیردی. اوشویوردوک. قول قولا قایدیب یاتیردیق. دنیزین بده نیمیزه سالدیغی اوشوتمه دن می، یئلین جانیمیزا آندیغی تیره تمه دن می، بیریریمیزی تک تنها اؤز اؤزوموز ایچین گۆردویوموز دن می نه دن آنجاق آلاهی ترپنه جه بییمیز قالمیردی و قوجاقلاشیب آزقالا گیریردیک بیریریمیزه. بئلینی منه چئویریر او یور او یور دورور، هردن داها سیخ سینمه باسیردی کوره یینی. دوداغیم قاچدی. گۆزومو یوموب یولا، هاوادا یاییلان دنیزین قوخوسونا، بورولا بورولا اوزانان آسفالتا دوشونور، مئهله نیردیم. یوخو باسیردی بیله می. اوتوبوس ننی ایمیش کیمی قوجاغینا آلمیش گئدیردی بیزی. هاوادا بولوت وار ایدی.

گۆی اوزو گۆم گۆی؛ بیرر بیرر آغاریردی اولدوزلار. اوزاقلاردا قیبر واردی. یول قیراغیندان آخیب گئدن چای ازلدن اؤیرنمیش هاواسینی چالیردی. دره دن آشیب قیبرداشلاری گۆردوم. بیریرینه سیخیلیب یاتان اؤلولر. دیک دیک یاناشی دایانان باش داشی لار. آییلب سینخان باش داشی لار. پیچیلتی وار ایدی هاوادا. قیبرلر اسکی قیبردی. بورالاردا تپه گۆز وار. بورالاردا دئو وار. بورالاردا آدم اوتان جاناوار وار. بورالاردا پیچیلتی وار. بورالاردا... های دوشدو. گۆی ده بولوت لار چاخناشدی. اوزاقدان قایا سسله ندی. ایلدیریم شاخدی. گۆی جیریلدی. یاغیش باسدی هریانی. یئر ده دوشن یاغیش دنه لری بیر ده آتیلیب گۆیه قالماق ایسته بیردی. چارپازدان ووروردو. چای ساهمان اولوردو آشیب داشا. اوزاق دا اولان قیبرلردن بیر گۆز بویلا دی منی. توکلریم دیک دوردو. بوغازیم توتولدو. آلیمی قالدیردیم قولوم گلمه دی. دؤنوب قایا ساری دیرماشدی. یوخ اولدو. قیشقیردیم، سس چیخمادی. بوغازیم دارا دورموش دو. بوغولوردوم. بیلدیم یوخو گۆرورم. دورماق ایسته دیم. دورا بیلمیردیم. سسیم چیخمیردی. ال آیاق چالیر گوجه نیردیم. بوینومو یاستیغا باغلایان سیجیم بوغوردو بیله می. الیمی بوغازیما چکیردیم. چیرپینیردیم...

ياغيش شيشه يه چيرپيردى. هاوا قارانليقلاشميش چيراقلارين ايشيغىنى جيزان ياغيش دنه لرى چارپازدان تۆكوردو. يولوندا ايدى اوتوبوس. اوزون نفس آلب يانيمداكىنا باخديم، ميشيل ميشيل. توكلرى آلنىنى باشميش شالى سييريلميشدى. توكلرىنى يانا ووردوم. بارماغىمىن دالى ياناغىندا گزىندى. زارىدى. سيخىلىب صندلى يه منه دۇندو. اوتوبوسون ايچى قارانلىق ايدى. بونونا ياخديم بونومو. دوداغى گولوش كىمى بير شى گۆرسه تدى. گۆزلىرىنىن آلتىندا قىرىش لار اولدو. ياناغى شيشدى. اۆپدوم. باشىنى چىنىمه قويوب ايچەرى ووران ايشىغا باخديم. يول جومجولوق اولموش سو آخىردى بىز گئدن ورىن ترسىنه. بارماقلارىنى سيخىردىم آلمده. دىنمز سؤيله مز قىز بيرآزدان دوروب قويما ياچاقدى دانىشام هئج. آرا وئرمه دن سۆزجو ك سۆزجو ك دوزه جك بيربيرينه، اۆتوره جك دى نازىك دوداقلارىندان. باخاجام. دوداقلارىندان چىخان سۆزلره گولوب باشىمى ترپه ده جم بيرآزدان.. پنجره دن آخان ياش لار قىرلره گۆتوردو منى. اوردان دوروب باخان گۆزلىر. اۆزومو گۆردوم شيشه ده. گۆزلىرىمىن ايچىنده كى قارا بىك ترپه ندى. اوزاق لار قارانلىق ايدى. يومورو شى گۆزلىرىمىن آغىندا قورخوتدو بيله مى. باشىمى صندلى يه باسدىم. ايلك اۆپوشون دادى سونراسى اوره ك دؤيونتوسو بوغازىما قاچىرتدى قانى. اوره بىم آغزىمىدان چىخاچاق دى. عمى قىزىمى اۆپوب، يالايب گئرى چكىلميشدىم. اوتاغىمىن اورتالىغىندا والى وورموش پنجره يه ياخىنلاشميشدىم. گونش قىزارىردى اوندا .. دوداغىم قاچدى بير آن. توكلرى بوينو ما سارىلان قىزى گۆروب بوراخديم الينى. ايلك اۆپوشوم بونون دوداغىندان قارانلىغا گئدن هاوانىن اۆرتوسونده كىتابخانانىن زئره ميسينه گئدن پىلله لرىن اوستونده ايدى. گولوشه گولوشه قىقاجى باخان نگهبانىن يانيندان اۆتوب چىخدىق بىلىم يوردوندان. دالىمىزدان يانينداكى آداما نه سه دئدى. قىزى يوخسا منى سؤيموشدو بلكه!

قىزى گۆتوروب چالوسا بير ايكى گون تهرانىن چىغىر باغىرىندان قاچميشدىم. نه قىزلار اۆپدوم، دىشله دىم، چىمىدىك له دىم ايلك آلدىغىم قورخو ايله هيچان ايچىنده قىزاران اۆپوشون دادىنى آلا بىلمه دىم. عمى قىزىما گۆرسه تديىم صيفت اوپوش سونراسىنى بيله سىنه زهرىمار ائله ميش زهله سى گئدىردى مندن. چئوره سىنه بئله هره له نه بىلمىردىم. او ايسىنتىنى خاطر لايىر آز قالا كۆكسومو دليردى چىرپىنان اوره بىم. ايكى تئرم چكدى ياخىنلاشام بىلىم يوردونون قايناشان قىز دولو هاواسىنا. ايلك داددىغىم داماغىمدا قالمىش دى. آرا وئرمه دن بيرىنى ايكىسىنى دادىر بوراخىردىم. سونوندا يانيمداكى قىز گىردى آرايا. تور كجه دانىشىر، دده قورقوددان، ديوان لغات الترك دان، ماناس دان دئىيردى.. تور كجه دن دانىشدىق، من تور كم او تور ك دو بس نيه تور كو دانىشمىرىق! منه ماراقلى گلدى. تورپاق لاباتووارىندا گۆرموشدوم بيله سىنى. منىم نمونه يئتميش ايكى ساعات دان سونرا گۆتورولمه لى ايدى. گىردىم لاباتووارا. باشقا كىلاس وار ايدى، من ايشىمده ايكن قىزىن گۆزلىرىنى سئزدىم. توكلرى آلنىنى باشميش هردن آت كىمى بوينو نو قاهارىب گئرى وئىردى اونلارى. معصوم معصوم باخماغىمى گۆردو. گولومسوندو. تورپاغىمى گۆتوروب قويدوم دستگاها.

طرح لىمى گۆسترر كن بيله سىنه ياخىنلاشما سىنى سئزدىم بيله مه. بيله يىندن توتوب چكدىم كىتابخانانىن

زئزهمیه گئدن پیلله لرینه. قیرجانیردی. ساریلدیق بیربیریمیزه.

چوخ دانیشیردی. قوشولوب اؤیرهنجی لره سئچگی قونوسونو توتور بوراخمیردی. تهران چاخناشیر هایقیرماغا گئدیردی. شولوقلوق اولوردو خیابان لار. اؤزونو شولوقلوقا حاضیرلاشدیریردی. قولونا یاشیل باغلا بیردی. من گولوردوم. قیزغین قیزغین دانیشیردی. دانیشا دانیشا آز قالا آغلا بیردی. گؤتوروب چیخدیم تهراندان. چالوسون خیابانلاری دا کمپوش قاینایشیردی. گئجه لری دنیزه گئدیر گونوزلر یاتیردیق. سئویشیردیک. قولونا باغلا دیغی یاشیل باغینی دیلیم له اوینادیر گولوشوردوک. هله ده دانیشیردی. او دئموکراسی آدلاندیردیغی داوادان من تورک جه دن، وورولموشدوم تورک جه یه، وورولموشدوم دیلیمه. برکه دوشه نده، «قیزیل گولم در منی... دسمال اوسته سر منی» اوخویور چیمدی کله بیردیم بیله سینی.

اوزاق لاردا ایلدیریم شاخیردی. بیر یئرلرده گئجه نین قوینوندا گیزله نن تپه گؤزلره دوشونوب یانیمدا کی قیزا قیسیلیب سینه سینده کی قیزیل گولون قوخوسونو آلیر گؤزومو یومورام.